

3. Tramitacions en curs

3.01. Projectes i proposicions de llei i altres propostes de norma

3.01.02. Proposicions de llei

Proposició de llei de modificació de la disposició addicional de la Llei 8/2022, del 9 de juny, sobre l'ús i l'aprenentatge de les llengües oficials en l'ensenyament no universitari

202-00052/13

DICTAMEN DE LA COMISSIÓ D'AFERS INSTITUCIONALS

A la presidència del Parlament

La Comissió d'Afers Institucionals, en la sessió tinguda el dia 2 de març de 2023, ha estudiat el text de la Proposició de llei de modificació de la disposició addicional de la Llei 8/2022, del 9 de juny, sobre l'ús i l'aprenentatge de les llengües oficials en l'ensenyament no universitari (tram. 202-00052/13).

Finalment, d'acord amb el que disposa l'article 120.6 i 7 del Reglament del Parlament, ha acordat d'establir el dictamen següent:

Proposició de llei de modificació de la disposició addicional de la Llei 8/2022, del 9 de juny, sobre l'ús i l'aprenentatge de les llengües oficials en l'ensenyament no universitari (tram. 202-00052/13)

Preambul

Aran ei ua realitat occitana dotada d'ua identitat pròpia, damb diferents manifestacions, entre eres era identitat lingüística, reconeishuda per Estatut d'Autonomia de Catalonha ena reconeishença der aranés coma lengua deth sòn territòri. Aguesta singularitat ei objècte d'ua particulara proteccion mejançant un regim juridic especiau (articles 11.2, 36.3 e 94.1 der EAC). Aguest mandat estatutari se complica damb era aprobacion dera Lei 35/2010, d'1 d'octobre, der occitan, aranés en Aran e era Lei 1/2015, de 5 de hereuèr, deth regim especiau d'Aran.

Era Lei 35/2010, d'1 d'octobre, der occitan, aranés en Aran, ena sua disposicion addicionau prumèra establís qu'aguesta Lei a caractèr de lei de desenvolupament basic der Estatut e s'intègre, en aquerò qu'a relacion damb Aran, en regim especiau d'aguest territòri as quaus hèn referéncia es articles 11 e 94 der Estatut.

Atau madeish, per çò que hè ara lengua aranesa, er article 1.1 ditz qu'er objècte d'aguesta Lei ei era proteccion en Catalonha der occitan, nomenat aranés en Aran, coma lengua pròpia d'aguest territòri, en toti es domenis e sectors, eth foment, era difusion e eth coneishement d'aguesta lengua e era regulacion deth sòn us oficial.

Er article 13.1 afirma qu'er aranés, com a lengua pròpia d'Aran, ei era lengua veïculara e d'aprendissatge abituau enes centres educatius d'Aran, d'acòrd damb aquerò qu'establís era normativa generau d'educacion.

Er article 14.1 ditz qu'era Administracion competenta en matèria d'educacion a de regular e organizar er us dera lengua pròpia d'Aran coma lengua veïculara e d'aprendissatge abituau der ensenhament infantil en Aran, en encastre dera normativa generau d'educacion dera Generalitat.

E er article 14.2 corrobòre qu'er aranés s'a d'utilizar normaument coma lengua veïculara e d'aprendissatge abituau ena educacion primària e segondària en Aran, d'acòrd damb era normativa generau d'educacion dera Generalitat.

Era Lei 1/2015, de 5 de hereuèr, deth regim especiau d'Aran, establís en sòn preambul qu'er occitan, ena sua variant aranesa, ei era lengua pròpia d'Aran e ei uns des pilars e un des trèts fundamentaus que configuren era identitat aranesa, e l'includís laguens deth hèt nacionau occitan.

Eth trèt caracteristic der aranés coma lengua veïculara descrit ena Lei 35/2010, torne a èster present ena Lei 1/2015. Concrètament, er article 8.1.c) establís qu'ei era lengua normaument emplegada coma lengua veïculara e d'aprendissatge enes centres educatius d'Aran.

Era reconeishença der aranés coma lengua veïculara e d'aprendissatge tanben ei reconeishuda pera normativa generau d'educacion de Catalonha. Atau, donc, era Lei 12/2009, de 10 de seteme, d'Educacion de Catalonha, qu'establís, coma règla generau, qu'eth catalan ei era lengua pròpia de Catalonha, era normaument emplegada coma lengua veïculara e d'aprendissatge (article 11.1), tanben regule exprèssament er aranés. En article 17.1 ditz qu'er occitan, nomentat aranés en Aran, ei era lengua pròpia d'aguest territòri, d'acòrd damb er article 6.5 der Estatut, e coma tau ei era lengua veïculara e d'aprendissatge abitauau enes centres educatius d'Aran.

Complementàriament hig que, totes es referéncias hêtes pera lei ath catalan coma lengua pròpia e d'ensenhament en Catalonha, s'an d'esténer ar aranés entàs centres educatius d'aguest territòri. Atau, er article 17.2 establís que totes es referéncias que hè aguest títol ath catalan coma lengua pròpia der ensenhament en Catalonha, s'es-tenen ar aranés entàs centres educatius d'Aran.

Era recenta normativa catalana aprovada tanben incidís en us des lengües en ensenhament non universitari en Catalonha. Eth Decret lei 6/2022, ena exposicion de motius, relhèue era importància deth projècte lingüistic des centres educatius, enquiath punt de constituir er element centrau deth modèl lingüistic escolar de Catalonha. En conformitat damb aquerò qu'establís er article 14 dera Lei 12/2009, de 10 de junhsèga, d'Educacion, aguesta madeisha exposicion de motius rebrembe qu'es centres publics e es centres privats sostengudi damb hons publics an d'elaborar, coma part deth projècte educatiu, un projècte lingüistic qu'includisque eth tractament des lengües en centre.

Ei en aguest contèxte qu'er objectiu deth Decret lei 6/2022 ei fixar es critèris aplicables ara elaboracion, era aprobacion, era validacion e era revision des projèctes lingüistics des centres educatius e publics e des centres educatius privats sostengudi damb hons publics, entà establir es ahèrs relatius ara organizacion der ensenhament e ar us des lengües oficiaus en cada centre.

En moment d'establir era sua regulacion, eth Decret lei 6/2022 a presenta era singularitat d'Aran des dera perspectiva lingüistica (article 3.3). Ena disposicion addicionau tresau se referís a Aran e ar aranés dident qu'en territòri d'Aran, es projèctes lingüistics an de tier en compde er aranés coma lengua veïculara pròpia d'Aran e coma lengua veïculara e d'aprendissatge abitauau enes sòns centres educatius, d'acòrd damb era normativa reguladora.

Era configuracion que hè eth Decret lei 6/2022 coïncidís totaument damb era includida enes leis deth regim especiau d'Aran e der occitan e enla Lei 12/2009, d'Educacion: era qualificacion der aranés, en territòri d'Aran, coma lengua pròpia e, per adesion, coma lengua veïculara e d'aprendissatge abitauau enes sòns centres educatius.

Eth Parlament de Catalonha aprovèc eth passat mes de junhsèga era Lei 8/2022, de 9 de junh, sus er us e er aprendissatge des lengües oficiaus en ensenhament non universitari. Aguesta lei establís qu'eth catalan, coma lengua pròpia de Catalonha, ei era lengua normaument emplegada coma lengua veïculara e d'aprendissatge deth sistèma educatiu, e era d'us normau ena acuelhuda der escolanat nauvengut (article 2.1).

Era Lei 8/2022, tanben a en compte era singularitat lingüistica d'Aran, de manèra qu'ena disposicion addicionau unica ditz qu'enes centres educatius d'Aran, es projèctes lingüistics an de garantir er aprendissatge e er us curricular e educatiu abitauau der aranés, lengua pròpia d'aguest territòri, en conformitat damb aquerò qu'establís era normativa.

Totun, es trèts caracteristics der aranés ena Lei 8/2002 diferissen parciaument des remassadi ena normativa nomentada enes paragrafs anteriors, includit eth De-

cret lei 6/2022. Aquesta lei non reconeix expressament era condició der aranés coma lengua veïculara e d'aprendissatge abituau en ensenhament des centres educatius d'Aran.

Atau donc, era Lei 8/2022 non remasse de manera expressa eth tradicionau ligam qu'era legislacion catalana (adès analizada) establís (leis deth regim especiau d'Aran e der occitan, Lei 12/2009 e Decret lei 6/2022) entre era reconeixença deth caràcter de lengua pròpia der aranés e, ara seguida, en domeni der ensenhament, eth sòn caràcter de lengua veïculara e d'aprendissatge abituau.

Per tot aquerò que s'a exposat e entà garantir era seguretat jurídica e evitar interpretacions erronèes en aquerò que tanh ara pervivència der aranés coma lengua veïculara e d'aprendissatge abituau enes centres educatius d'Aran, se considèra necessari proposar era modificacion dera Lei 8/2022 ena referència especifica ar us e aprendissatge dera lengua aranesa en ensenhament non universitari.

Proposicion de lei de modificacion dera disposicion addicionau dera Lei 8/2022, deth 9 de junh, sus er us e er aprendissatge des lengües oficials en ensenhament non universitari

Article unic

Se modifique era disposicion addicionau dera Lei 8/2022, deth 9 de junh, sus er us e er aprendissatge des lengües oficials en ensenhament non universitari, que demore redigida d'aquesta manera:

Enes centres educatius d'Aran, es projectes lingüistics an de garantir er aprendissatge e er us curricular e educatiu abituau der aranés, coma lengua pròpia d'aguest territòri e coma lengua veïculara, en conformitat damb aquerò qu'establís era normativa aplicable.

Disposicions finaus

Prumèra. Efectes economics e pressupostaris

Es precèptes qu'eventuaument representessen era realizacion de despeses damb cargue enes pressupòsti dera Generalitat, o ua diminucion des revenguts, produirà efectes a partir dera aplicacion dera lei de pressupòsti corresponenta ar exercici pressupostari immediatament posteriora ara aplicacion dera lei.

Dusau. Entrada en vigor

Aquesta lei entre en vigor eth dia següent dera sua publicacion en *Diari Oficial de la Generalitat de Catalunya*.

Palau del Parlament, 2 de març de 2023

El secretari de la Comissió, David Saldoni i de Tena; el president de la Comissió, Jordi Terrades Santacreu

3.10. Procediments que es clouen amb l'adopció de resolucions

3.10.17. Designacions de membres del Consell de Garanties Estatutàries

Procediment per a designar un membre del Consell de Garanties Estatutàries

287-00002/13

SUBSTANCIACIÓ DE LA COMPAREIXENÇA

Compareixença feta en la sessió 32 de la Comissió d'Afers Institucionals, del 02.03.2023, DSPC-C 561.